



Broj: 03-50-1-141-11/10  
Sarajevo, 25.3.2010. godine

**Z A P I S N I K**  
**11. sjednice Vijeća nacionalnih manjina Bosne i Hercegovine**  
**održane 23.2.2010. godine**

Sjednica je počela u 11,00 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Jovanka Manžalović Šalaka, Iren Milojević, Halil Bicaj, Darko Kovč, Andrija Svatok i Varan Hakan.

Opravdano su odsustvovali: Tihomir Knežiček, Marija Grbić, Jakob Finci i Hidajeta Redžić.

Sjednici je prisustvovala Emina Jahić, sekretar Zajedničke komisije za ljudska prava, prava djeteta, mlade, imigracije, izbjeglice, azil i etiku Parlamentarnu skupštinu.

**Predsjedavajući Vijeća Nedžad Jusić**, nakon što je pozdravio prisutne, predložio je sljedeći

**DNEVNI RED**

1. Usvajanje zapisnika 9. i 10. sjednice;
2. Usvajane Pravilnika o radu Vijeća nacionalnih manjina BiH;
3. Priprema za održavanje press konferencije;
4. Priprema za zajednički sastanak Vijeća nacionalnih manjina BiH, Vijeća nacionalnih manjina u Federaciji BiH i Savjeta nacionalnih manjina u Republici Srpskoj;
5. Informacija o stavu Zajedničke komisije za ljudska prava, prava djeteta, mlade, imigracije, izbjeglice, azil i etiku Parlamentarne skupštine BiH o Izvjestaju monitoringa Akcionog plana o obrazovnim potrebama Roma i ostalih nacionalnih manjina;
6. Razno.

Vijeće nacionalnih manjina BiH jednoglasno je usvojilo predloženi dnevni red.

**Ad. 1. Usvajanje zapisnika 9. i 10. sjednice**

Vijeće nacionalnih manjina BiH, jednoglasno je usvojilo zapisnike sa 9. i 10. sjednice.

## **Ad. 2. Usvajane Pravilnika o radu Vijeća nacionalnih manjina BiH**

Jednoglasno je usvojen Pravilnik o radu Vijeća nacionalnih manjina BiH, koji je upućen na davanje saglasnosti Parlamentarne skupštine BiH.

## **Ad. 3. Priprema za održavanje press konferencije**

**Na prijedlog predsjedavajućeg Nedžada Jusića**, dogovoreno je da se raspravlja zajedno sa sljedećom tačkom dnevnog reda.

## **Ad. 4. Priprema za zajednički sastanak Vijeća nacionalnih manjina BiH, Vijeća nacionalnih manjina u Federaciji BiH i Savjeta nacionalnih manjina u Republici Srpskoj**

**Predsjedavajući Vijeća Nedžad Jusić**, predložio je da se zajednički sastanak Vijeća nacionalnih manjina BiH, Vijeća nacionalnih manjina u Federaciji BiH i Savjeta nacionalnih manjina u Republici Srpskoj, održi u ponedjeljak 22.3.2010. godine, sa početkom u 12 sati u zgradi Parlamentarne skupštine Bosne i Hercegovine.

Takođe, napomenuo je da će sastanak biti podržan od strane Udruženja “BOSPO” Tuzla , “EUROROM” Tuzla i Biroa za ljudska prava Tuzla.

Za sjednicu je predložio sljedeći:

### **DNEVNI RED**

Razmatranje i usvajanje Amandmana na Ustav BiH I upućivanje Prijedloga Amandmana u zakonodavnu proceduru.

Nakon rasprave u kojoj su učestvovali. Nedžad Jusić, Vasilija Ibrahimagić, Jovanka Manžalović Šalaka, Iren Milojević, Halil Bicađ, Darko Kovč, Andrija Svatok i Varan Hakan, prihvaćen je predložen dnevni red, te dogovoreno da gost i uvodničar bude Vehid Šehić.

Takođe, jednoglasno je dogovoreno da se nakon sastanka održi press konfeerencija.

## **Ad. 5. Informacija o stavu Zajedničke komisije za ljudska prava, prava djeteta, mlade, imigracije, izbjeglice, azil i etiku Parlamentarne skupštine BiH o Izvještaju monitoringa Akcionog plana o obrazovnim potrebama Roma i ostalih nacionalnih manjina**

Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne Skupštine BiH, obavijestila je članove Vijeća, da je Zajednička komisija na 32. sjednici, održanoj 01. februara 2010. godine, na osnovu diskusije o Razmatranju Izvještaja o nadzoru nad provedbom Akcijskog plana o obrazovnim potrebama Roma i ostalih nacionalnih manjina u BiH čiji je predlagač Vijeće nacionalnih manjina BiH usvojila je sljedeći

## Z A K L J U Č A K

1. Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne Skupštine BiH, odlučila je Izvještaj o nadzoru nad provedbom Akcijskog plana o obrazovnim potrebama Roma i ostalih nacionalnih manjina u BiH dostaviti Ministarstvu za ljudska prava i izbjeglice BiH i Ministarstvu za civilne poslove BiH – Sektor za obrazovanje, te zatražiti od navednih ministarstava da Zajedničkoj komisiji dostave mišljenje na Izvještaj o nadzoru nad provedbom Akcijskog plana o obrazovnim potrebama Roma i ostalih nacionalnih manjina u BiH;
2. Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne Skupštine BiH, odlučila je Izvještaj o nadzoru nad provedbom Akcijskog plana o obrazovnim potrebama Roma i ostalih nacionalnih manjina u BiH razmatrati nakon što Ministarstvo za ljudska prava i izbjeglice BiH i Ministarstvu za civilne poslove, dostave Zajedničkoj komisiji traženo mišljenje.
3. Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne Skupštine BiH, traži od Ministarstva za ljudska prava i izbjeglice BiH da izradi Akcijski plan o obrazovnim potrebama nacionalnih manjina u BiH a ne samo Roma kao nacionalne manjine, te da na narednoj sjednici Zajedničke komisije prisustvuju predstavnici Ministarstva za ljudska prava i izbjeglice BiH s ciljem razješenja spornih pitanja.

### **AD. 6. Razno**

Nije bilo rasprave o navedenoj tački dnevnog rada.

Sjednica Vijeća je završena u 12,15 sati.

**Predsjedavajući Vijeća  
Nedžad Jusić**